



Broj: 421/23

Datum: 13.03.2023.godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 415/23 od 10.03.2023.godine, a na preporuku Komisije za javnu nabavku, Direktor **d o n o s i**

## **O D L U K U** **o izboru najpovoljnijeg ponuđača**

### **Član 1.**

Prihvata se preporuka Komisije i Ugovor u predmetu javne nabavke usluga autoprevoza za potrebe Službe za održavanje površinskih slojeva lokalnih cesta JP „LOKOM“ d.o.o. Sarajevo, dodjeljuje se ponuđaču AUTOPREVOZNIK AVDIBEGOVIĆ SAKIB, sa sjedištem u Sarajevu, ul. Izeta Karšića br. 26, sa ponuđenom cijenom u iznosu od 48.650,00 KM bez PDV-a i rokom plaćanja u trajanju od 60 (šezdeset) dana od dana prijema fakture za izvršenu uslugu.

### **Član 2.**

Izabrani ponuđač se oslobađa naknadnog dostavljanja dokaza iz člana 45. stav (2) i dokumenata iz člana 48. i 50. Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

### **Član 3.**

Prijedlog ugovora o nabavci dostavit će se na potpis izabranom ponuđaču u roku od 10 (deset) dana, računajući od dana obavještanja učesnika postupka o izboru najpovoljnijeg ponuđača.

### **Član 4.**

Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.

### **Član 5.**

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

### **Član 6.**

Protiv ove Odluke dozvoljena je žalba u roku od 5 (pet) dana od dana prijema iste.

## **O b r a z l o ž e n j e**

Postupak javne nabavke usluga autoprevoza za potrebe Službe za održavanje površinskih slojeva lokalnih cesta JP „LOKOM“ d.o.o. Sarajevo pokrenut je Odlukom o pokretanju postupka javne nabavke br. 221/23 od 15.02.2023.godine. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosila je 49.600,00KM. Komisija za javne nabavke imenovana je Rješenjem br. 222/23 od 15.02.2023.godine.

Obavještenje o nabavci i tenderska dokumentacija su objavljeni na Portalu javnih nabavki dana, 17.02.2023. godine u 15:53 sati pod brojem: 269-7-2-6-3-4/23, u „Službenom glasniku BiH“ br. 12/2023 od 24.02.2023.godina. Zbog praznika pomjeren je datum prijema i otvaranja ponuda, te je sačinjena Ispravka za obavještenje o nabavci broj: 269-7-2-6-8-7/23 dana 23.02.2023.godine u 14:28h.



Za predmetnu nabavku, tekst tenderske dokumentacije konkurentskog zahtjeva ponuđači su mogli preuzeti samo putem Portala javnih nabavki. Na osnovu obavještenja na Portalu javnih nabavki tendersku dokumentaciju sa portala e-nabavke je preuzelo 8 (osam) ponuđača. U periodu koji je ostavljen za dostavljanje ponuda, ponuđač BUCOMERC D.O.O. je postavio jedno pitanje vezano za pojašnjenje tenderske dokumentacije. Ugovorni organ je blagovremeno i u zakonom predviđenom roku odgovorio na postavljeno pitanje, koje je bilo dostupno svim zainteresovanim ponuđačima koji su preuzeli tendersku dokumentaciju predmetnog postupka u sistemu e-nabavke.

Krajnji rok za dostavu ponuda je bio 02.03.2023.godine do 10:00 sati, javno otvaranje ponuda isti dan 02.03.2023.godine u 10:30 sati. Na javnom otvaranju ponuda nije bilo prisutnih ponuđača. Zapisnik o otvaranju ponuda br. 344/23 od 02.03.2023.godine je dostavljen ponuđaču putem e-maila u zakonom propisanom roku.

Komisija za javne nabavke dostavila je DirektorU Ugovornog organa Zapisnik o pregledu i ocjeni ponuda br. 415/23 od 10.03.2023.godine i Preporuku o izboru najpovoljnijeg ponuđača u predmetnom postupku javne nabavke.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno sljedeće:

- da je u predviđenom roku, u propisno upakovanoj koverti, pristigla jedna (1) ponuda, i to ponuđača: AUTOPREVOZNIK AVDIBEGOVIĆ SAKIB;
- da nije bilo neblagovremenih ponuda;
- da nisu vršene ispravke u ponudi;
- da prilikom računске kontrole, a u skladu sa članom 17. Uputstva za pripremu modela tenderske dokumentacije i ponuda, u zaprimljenoj ponudi nema računskih grešaka.
- da je pristigla ponuda ponuđača AUTOPREVOZNIK AVDIBEGOVIĆ SAKIB ocijenjena prihvatljivom u formalno-pravnom, ekonomskom i tehničkom smislu, odnosno ista je u skladu sa tenderskom dokumentacijom, ispunjava kriterije za kvalifikaciju i ne prelazi planirana, odnosno osigurana novčana sredstva ugovornog organa za predmetnu nabavku.

Nakon završene evaluacije, a u skladu sa članom 64. stav (1) tačka a) Zakona o javnim nabavkama – ekonomski najpovoljnija ponuda, rang lista izgleda kako slijedi:

Rang	Naziv ponuđača	Ukupna cijena bez PDV-a (KM)	Ostvaren broj bodova cijena	Uslovi i način plaćanja	Ostvaren broj bodova uslovi i način plaćanja	UKUPAN BROJ BODOVA
1	AUTOPREVOZNIK AVDIBEGOVIĆ SAKIB	48.650,00	85	60 (šezdeset) dana	15	100

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“, br. 39/14 i br. 59/22), podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača AUTOPREVOZNIK AVDIBEGOVIĆ SAKIB, sa sjedištem u Sarajevu, ul. Izeta Karšića br. 26, sa ponuđenom cijenom u iznosu od 48.650,00 KM bez PDV-a i rokom plaćanja u trajanju od 60 (šezdeset) dana od dana prijema fakture za izvršenu uslugu, jedina prihvatljiva i ekonomski najpovoljnija ponuda.



Shodno navedenom, primjenom člana 64. stav (1), tačka a) Zakona o javnim nabavkama, odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

JP „LOKOM“ d.o.o. Sarajevo

Direktor

Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.